

Án-niá ê Bǎk-sái (Hā kòan) 母之淚 下卷

Sipjìkè ê kìhō (5) 十字架

5 SipJìKè

Koh bô lôakú Eksam chúiiû kongsí ê sū pān chhengchó chiū beh lòkhì. Beh tòkhì ê chitjít chēng, Eksam kap Hūibí khì soaⁿnih beh koh chhōe pekháphoe. Tī lōtiōng Eksam khan Hūibí ê chhiú ká i chim kóng, Hūibí sàng ah ! Góa chin thiàⁿ lí ! Bīn hutjiân kātī chin siohōng, gòā m̄ káⁿ koh kóngkhí. Hūibí chai Eksam sī beh koh kóng ê khóan, chiū ká i kóng, Eksam hiaⁿ góa chai lí chin thiàⁿ góa, iā lí sī beh kóng símmih, chhiáⁿ lí koh kóng. Kàu hia tú tī tōa chhiūkha ū chittè chiòh. Eksam chiū khan Hūibí, tǎike chētī hittè chiòh. Eksam chiū kóng, Ah ! Chin sitlé, símmih tǎichì sitlé ? Lí lâi, góa chin hoaⁿhí, gâu thiàⁿ góan, kap góa tàukò kahū, hō lí chin lólát, thài thang kóng sitlé. M̄ sī hitê sū lah ; sī góa beh ká lí kóng chitkú ōe, khah bô lésó, m̄ chai lí beh thiaⁿ ám ? Chhiáⁿ lí kóng, góa hoaⁿhí thiaⁿ. M̄ kú, góa kiaⁿ lí siūkhì. Hitsí Hūibí khòā Eksam ê bīn sī chhinchhiūⁿ simlāi chin khòalū ê khóan ; chóngsi m̄ chai i beh kóng símmih, chiū bīn òng Eksam kóng, chhiáⁿ, chhiáⁿ lí ansim, bōlūn lí kóng símmih, góa lóng m̄ siūkhì, chhiáⁿ lí kóng. Hittiáp Eksam ê sim chin hoaⁿhí, chiū khan Hūibí ê chhiú kóng, Só thiàⁿ5 ! Góa kin'ájit chinchiàⁿ thiàⁿ lí, sī lí sóchai, góa ê sim chinchiàⁿ chiùchōa beh thiàⁿ lí kàu éngóan. Eksam hiaⁿ chinchiàⁿ hō lí tōsiā ; m̄ kú góa sī chin m̄ chiāⁿmih, sī chitê chin siókhóa ê soaⁿlâilâng, thàithó ē khamtit siù lí ê thiàⁿ hiahtōa ah ! Hūibísàng ah ! Chhiáⁿ lí m̄ thang thesī. Puttiputkak, tui bákchui tih chhut thiàⁿ ê bǎksái tī Hūibí ê chhiú, Hūibí iā chin tōngchēng i ê ìsì. Chiū sèsè siaⁿ ká Eksam kóng, Eksamhiaⁿ lūn chitchân tǎichì, góa bēhiáu chhâikoat, chhiáⁿ lí tui góan lāupē kóng, góan tia nā hó, góa tǎkhāng to hó. Teh kóng ê sī ēng chhiúchéngthâu'á ōe tī thōkha ê thōsoa, ōe chitjít sipjī. Hitsí Eksam sim chin hoaⁿhí, chai Hūibí chechió kap i tōngchēng, iā chai tui Hūibí kóng bē 10 hun tiòh tui sītōa lāng Lâm tiúⁿlóló lâi kóng, iā khòā i ōe sipjī tī thōkha. Hitsí Eksam ê isù sī kóng, Hūibí úntàng sī chin hoaⁿhí, iā beh ín góa, kóng, sī hiaⁿ ê hó pēngiú : sói hoaⁿhí ; chóngsi m̄ káⁿ bēngkóng, chiaⁿ ēng chhiú ōe hitê kìhō tī thōnih. Sitchāi Hūibí m̄ sī hitê ìsù. I ê ìsù sī beh kóng Eksam m̄ sī Kitoktō, iā pūnsin sī Kitoktō, ánni chitê tǎichì bēngtit ; chóngsi Eksam m̄ bat hitê ìsù. Kantan simtiong àmàm teh hoaⁿhí Hūibí ê tōngchēng. Bánhoe liáuāu chiū tòkhì. Hitàm chiáhpá Eksam chiū hótáⁿ tui Lâm Tiúⁿlóló lâi kóngkhí chitchân sū. Lâm tiúⁿlóló thiaⁿliáu khiok chitsim iāsī hoaⁿhí ; chóngsi chitsim khòalū ; inui m̄ sī sìnChú ê lāng. Lāulāng tittit chiū ìn i kóng, chin sitlé, sim khiok si chin hoaⁿhí ; m̄ kú ū 2 hāngsū : Chabókiaⁿ sī bô kenggiām soaⁿkha ê chhânchnglāng, beh thái ēhiáu liāulí lí ê kasū ; inui lí sī siāⁿchhīlāng. Koh lín sī siongtong ū tēui ê lāng ; sói kiaⁿliáu bōháp.

Eksam in khiok ũ iáⁿ, in lāupē chēng batchò koaⁿ, hiānsī i ê bókū sī chò búkoaⁿ chin ũ sèlek sói tiúⁿlò chin khiampi lāi sī.

Koh chithāng, kiaⁿliáu siáulú, nā khi bētit kap lín giáhhiuⁿ. Eksam thiaⁿliáu chin kankhó, chia Lâm tiúⁿlò sī jiátsim ê Kitoktô ; sói beh tapèng chabókiaⁿ kè bīsìnchiá, úntàng chin oh. Koh nā hō i chai, chhúnih lāubú ũ ũi tiòh i ioh chitē simpū'á, chiū úntàng ná bôbāng. Sói sim chin hoanlò. Tùi ánni, m̄ kaⁿ koh kóngkhí. Sim chin utchut, kehjit chiū saⁿsī tòkhi. Tòkhi soah sim putsī khòalū chitchân sū. Png ná bēchiáh. Àmsī siôngsiông chin àmkhùn, lāng ná sán. Lāubó mng i, i lóng m̄ kóng.

Kàu ũ chitjit chiū khi in bókū hia, in bókū mng i. In bókū pēngsī kap i ũòekóng ; sói chiū chiong chīnchēng kóng hō i thiaⁿ, in bókū thiaⁿliáu chin tōngchēng, chiū ioksok i lēngkang ũēng beh kap i khi khòⁿ chitchōa, khòⁿ kójiân ũ lōa hó. Chia chhiáⁿ ánhā.

Kóng Lâm Tiúⁿlò lāulāng lah, koh íkeng kīn 12 gòeh, thiⁿkhi ná kōaⁿ soah koh khi hō léng tiòh chiáhiòh bô túhó, soah koh khi hīām, kiam heksújiát, pēⁿ chiáⁿ lépài kú chiū kòesin khi. Ah ! Chin khòlín, chitke soah chhun Tiúⁿlóniū chabókiaⁿ Hūibí. Tng tībeh sí ê sī, Tiúⁿlò tiuⁿlóniū lāi kap Hūibí chēti i ê chhngchēng. Tiúⁿlò khan Hūibí ê chhiú kóng, kiáⁿah ! Lí kap lín niā tiòh jiátsim khīⁿtiâu tī Chú, chitsilāng bô pàngsak. Iā chiong lánē chāisán lāi tō'2 lāng, khòⁱ m̄ bián hôanlò. Lāng chin bôlāt thēng chinkú bô koh kóngōe, Tiúⁿlóniū kap Hūibí lóng kūilòh tī chhngchēng kító, kháukàu chhngghchhngkìò. Thēng bô kú, tiuⁿlò chiū koh tùi Tiúⁿlóniū kóng, Hiānchhe, kin'ájit góa íkeng beh hō chú chintiau, lín m̄ thang kòethau khòalū, sū chhut tùi Chú ; chóngsī góa iáukín koh kóng chitkù : chiūsī taⁿ chíū chitē chabókiaⁿ, lí gâu siathoat. Lūn chhinchiáⁿ tekhaⁿ m̄ thang phitphòe hō bô sìn Chú ê lāng, Tiúⁿlóniū khuisiaⁿ tiòh kóng, Ah ! Huah ! Lí m̄ bián khòalū, góa tekhaⁿ bô chò chithō bóngtóng ê sū, lí putsu kòai. Hūibí iā háu kóng, Ántiaah, lí m̄ thang hoanlò, góa tekhaⁿ kàu sí bô līkhūi Chú. Kóng liáu, Tiuⁿlò ê nāukháu ũsiaⁿ, kilīkūluh, hutjiân khuitng. Tùi ánni 2 bókiaⁿ háutit chhám bōetit kóng kàu chīn. Keh thiⁿkng liāmpiⁿ pò Ông bòksu, taike lāi sàngchòng.